

大般若波羅蜜多經卷第十

天十

唐三藏法師玄奘奉詔譯

初分讚勝德品第五

爾時具壽舍利子具壽大目連具壽大飲光具壽善現等眾望所識諸大苾芻及苾芻尼并諸菩薩摩訶薩天十眾鄔波索迦鄔波斯迦皆從座起恭敬合掌俱白佛言世尊菩薩摩訶薩所有般若波羅蜜多是大波羅蜜多世尊菩薩摩訶薩所有般若波羅蜜多是廣波羅蜜多世尊菩薩摩訶薩所有般若波羅蜜多是第一波羅蜜多世尊菩薩摩訶薩所有般若波羅蜜多是勝波羅蜜多世尊菩薩摩訶薩所有般若波羅蜜多是妙波羅蜜多世尊菩薩摩訶薩所有般若波羅蜜多是微妙波羅蜜多世尊菩薩摩訶薩所有般若波羅蜜

多是尊波羅蜜多世尊菩薩摩訶薩所有般若波羅蜜多是高波羅蜜多世尊菩薩摩訶薩所有般若波羅蜜多是最波羅蜜多世尊菩薩摩訶薩所有般若波羅蜜多是極波羅蜜多世尊菩薩摩訶薩所有般若波羅蜜多是上波羅蜜多世尊菩薩摩訶薩所有般若波羅蜜多是無上波羅蜜多世尊菩薩摩訶薩所有般若波羅蜜多是無上上波羅蜜多世尊菩薩摩訶薩所有般若波羅蜜多是等波羅蜜多世尊菩薩摩訶薩所有般若波羅蜜多是無等波羅蜜多世尊菩薩摩訶薩所有般若波羅蜜多是無等等波羅蜜多世尊菩薩摩訶薩所有般若波羅蜜多是無待對波羅蜜多世尊菩薩摩訶薩所有般若波羅蜜多是如虛空波羅蜜多世尊菩薩摩訶薩

所有般若波羅蜜多是自相空波羅蜜多世  
尊菩薩摩訶薩所有般若波羅蜜多是共相  
空波羅蜜多世尊菩薩摩訶薩所有般若波  
羅蜜多是一切法空波羅蜜多世尊菩薩摩  
訶薩所有般若波羅蜜多是不可得空波羅  
蜜多世尊菩薩摩訶薩所有般若波羅蜜多  
是無性空波羅蜜多世尊菩薩摩訶薩所有  
般若波羅蜜多是自性空波羅蜜多世尊菩  
薩摩訶薩所有般若波羅蜜多是無性自性  
空波羅蜜多世尊菩薩摩訶薩所有般若波  
羅蜜多是無變異空波羅蜜多世尊菩薩摩  
訶薩所有般若波羅蜜多是無生波羅蜜多  
世尊菩薩摩訶薩所有般若波羅蜜多是無  
滅波羅蜜多世尊菩薩摩訶薩所有般若波  
羅蜜多是無染波羅蜜多世尊菩薩摩訶薩

所有般若波羅蜜多是無淨波羅蜜多世尊  
菩薩摩訶薩所有般若波羅蜜多是寂靜波  
羅蜜多世尊菩薩摩訶薩所有般若波羅蜜  
多是遠離波羅蜜多世尊菩薩摩訶薩所有  
般若波羅蜜多是寂止波羅蜜多世尊菩薩  
摩訶薩所有般若波羅蜜多是調伏波羅蜜  
多世尊菩薩摩訶薩所有般若波羅蜜多是  
明呪波羅蜜多世尊菩薩摩訶薩所有般若  
波羅蜜多是誠諦波羅蜜多世尊菩薩摩訶  
薩所有般若波羅蜜多是開發一切功德波  
羅蜜多世尊菩薩摩訶薩所有般若波羅蜜  
多是成就一切功德波羅蜜多世尊菩薩摩  
訶薩所有般若波羅蜜多是能破一切波羅  
蜜多世尊菩薩摩訶薩所有般若波羅蜜多  
是不可屈伏波羅蜜多世尊修行般若波羅

蜜多諸菩薩摩訶薩最尊最勝最上最妙具  
大勢力能修行無等等布施能圓滿無等等  
布施能具足無等等布施波羅蜜多能得無  
等等自體所謂無邊殊勝相好妙莊嚴身能  
證無等等妙法所謂無上正等菩提世尊修  
行般若波羅蜜多諸菩薩摩訶薩最尊最勝  
最上最妙具大勢力能修行無等等淨戒能  
圓滿無等等淨戒能具足無等等淨戒波羅  
蜜多能得無等等自體所謂無邊殊勝相好  
妙莊嚴身能證無等等妙法所謂無上正等  
菩提世尊修行般若波羅蜜多諸菩薩摩訶  
薩最尊最勝最上最妙具大勢力能修行無  
等等安忍能圓滿無等等安忍能具足無等  
等安忍波羅蜜多能得無等等自體所謂無  
邊殊勝相好妙莊嚴身能證無等等妙法所

謂無上正等菩提世尊修行般若波羅蜜多  
諸菩薩摩訶薩最尊最勝最上最妙具大勢  
力能修行無等等精進能圓滿無等等精進  
能具足無等等精進波羅蜜多能得無等等  
自體所謂無邊殊勝相好妙莊嚴身能證無  
等等妙法所謂無上正等菩提世尊修行般  
若波羅蜜多諸菩薩摩訶薩最尊最勝最上  
最妙具大勢力能修行無等等靜慮能圓滿  
無等等靜慮能具足無等等靜慮波羅蜜多  
能得無等等自體所謂無邊殊勝相好妙莊  
嚴身能證無等等妙法所謂無上正等菩提  
世尊修行般若波羅蜜多諸菩薩摩訶薩最  
尊最勝最上最妙具大勢力能修行無等等  
般若能圓滿無等等般若能具足無等等般  
若波羅蜜多能得無等等自體所謂無邊殊

勝相好妙莊嚴身能證無等等妙法所謂無上正等菩提世尊修行般若波羅蜜多諸菩薩摩訶薩最尊最勝最上最妙具大勢力能安住無等等內空外空內外空空大空勝義空有為空無為空畢竟空無際空散空無變異空本性空自相空共相空一切法空不可得空無性空自性空無性自性空能圓滿無等等內空乃至無性自性空能具足無等等內空乃至無性自性空能得無等等自體所謂無邊殊勝相好妙莊嚴身能證無等等妙法所謂無上正等菩提世尊修行般若波羅蜜多諸菩薩摩訶薩最尊最勝最上最妙具大勢力能安住無等等真如法界法性不虛妄性不變異性平等性離生性法定法住實際虛空界不思議界能圓滿無等等真如

乃至不思議界能具足無等等真如乃至不思議界能得無等等自體所謂無邊殊勝相好妙莊嚴身能證無等等妙法所謂無上正等菩提世尊修行般若波羅蜜多諸菩薩摩訶薩最尊最勝最上最妙具大勢力能安住無等等苦集滅道聖諦能圓滿無等等苦集滅道聖諦能具足無等等苦集滅道聖諦能得無等等自體所謂無邊殊勝相好妙莊嚴

身能證無等等妙法所謂無上正等菩提世尊修行般若波羅蜜多諸菩薩摩訶薩最尊最勝最上最妙具大勢力能修行無等等四靜慮四無量四無色定能圓滿無等等四靜慮四無量四無色定能具足無等等四靜慮四無量四無色定能得無等等自體所謂無邊殊勝相好妙莊嚴身能證無等等妙法所謂無上正等菩提世尊修行般若波羅蜜多諸菩薩摩訶薩最尊最勝最上最妙具大勢力能修行無等等八解脫八勝處九次第定十徧處能圓滿無等等八解脫八勝處九次第定十徧處能具足無等等八解脫八勝處九次第定十徧處能得無等等自體所謂無邊殊勝相好妙莊嚴身能證無等等妙法所謂無上正等菩提世尊修行般若波羅蜜多

諸菩薩摩訶薩最尊最勝最上最妙具大勢力能修行無等等空無相無願解脫門能圓滿無等等空無相無願解脫門能具足無等等空無相無願解脫門能得無等等自體所謂無邊殊勝相好妙莊嚴身能證無等等妙法所謂無上正等菩提世尊修行般若波羅蜜多諸菩薩摩訶薩最尊最勝最上最妙具大勢力能修行無等等陀羅尼門三摩地門能圓滿無等等陀羅尼門三摩地門能具足無等等陀羅尼門三摩地門能得無等等自體所謂無邊殊勝相好妙莊嚴身能證無等等妙法所謂無上正等菩提世尊修行般若波羅蜜多諸菩薩摩訶薩最尊最勝最上最妙具大勢力能修行無等等菩薩摩訶薩地能具足無等

等菩薩摩訶薩地能得無等等自體所謂無  
邊殊勝相好妙莊嚴身能證無等等妙法所  
謂無上正等菩提世尊修行般若波羅蜜多  
諸菩薩摩訶薩最尊最勝最上最妙具大勢  
力能修行無等等五眼六神通能圓滿無等  
等五眼六神通能具足無等等五眼六神通  
能得無等等自體所謂無邊殊勝相好妙莊  
嚴身能證無等等妙法所謂無上正等菩提  
世尊修行般若波羅蜜多諸菩薩摩訶薩最  
尊最勝最上最妙具大勢力能修行無等等  
佛十力四無所畏四無礙解大慈大悲大喜  
大捨十八佛不共法能圓滿無等等佛十力  
乃至十八佛不共法能具足無等等佛十力  
乃至十八佛不共法能得無等等自體所謂  
無邊殊勝相好妙莊嚴身能證無等等妙法

所謂無上正等菩提世尊修行般若波羅蜜  
多諸菩薩摩訶薩最尊最勝最上最妙具大  
勢力能修行無等等無忘失法恒住捨性能  
圓滿無等等無忘失法恒住捨性能具足無  
等等無忘失法恒住捨性能得無等等自體  
所謂無邊殊勝相好妙莊嚴身能證無等等  
妙法所謂無上正等菩提世尊修行般若波  
羅蜜多諸菩薩摩訶薩最尊最勝最上最妙  
具大勢力能修行無等等一切智道相智一  
切相智能圓滿無等等一切智道相智一切  
相智能具足無等等一切智道相智一切相  
智能得無等等自體所謂無邊殊勝相好妙  
莊嚴身能證無等等妙法所謂無上正等菩  
提世尊如來亦由修行般若波羅蜜多能修  
行安住圓滿具足種種功德故得無等等色

得無等等受想行識證無等等菩提轉無等等法輪度脫無量諸有情類令獲殊勝利益安樂過去未來現在諸佛亦於般若波羅蜜多精勤修學種種功德皆悉圓滿已證無上正等菩提當證無上正等菩提現證無上正等菩提轉妙法輪度無量衆令獲殊勝利益天十安樂是故世尊若菩薩摩訶薩欲於一切法度至彼岸者當學般若波羅蜜多世尊修行般若波羅蜜多諸菩薩摩訶薩一切世間若天若人阿素洛等皆應供養恭敬尊重讚歎守護令於般若波羅蜜多精進修行無障無礙爾時世尊告諸聲聞及諸菩薩摩訶薩等言如是如是如汝所說修行般若波羅蜜多諸菩薩摩訶薩一切世間若天若人阿素洛等皆應供養恭敬尊重讚歎守護令於般若

波羅蜜多精進修行無障無礙何以故由此菩薩摩訶薩故世間得有人天出現所謂刹帝利大族婆羅門大族長者大族居士大族若轉輪王若四大王衆天三十三天夜摩天覩史多天樂變化天他化自在天若梵衆天梵輔天梵會天大梵天若光天少光天無量光天極光淨天若淨天少淨天無量淨天徧淨天若廣天少廣天無量廣天廣果天若無想有情天若無煩天無熱天善現天善見天色究竟天若空無邊處天識無邊處天無所有處天非想非非想處天出現於世天十由此菩薩摩訶薩故得有預流一來不還阿羅漢獨覺菩薩摩訶薩及諸如來應正等覺出現於世由此菩薩摩訶薩故世間得有三寶出現與諸有情作大饒益由此菩薩摩訶薩故世

間得有種種資生樂具出現所謂飲食衣服  
卧具房舍燈明末尼真珠瑠璃螺貝璧玉珊  
瑚金銀等寶出現於世以要言之一切世間  
人天等樂及涅槃樂無不皆由如是菩薩摩  
訶薩有所以者何是菩薩摩訶薩自正修行  
布施淨戒安忍精進靜慮般若波羅蜜多亦  
教他修行自正安住內空外空內外空空  
大空勝義空有為空無為空畢竟空無際空  
散空無變異空本性空自相空共相空一切  
法空不可得空無性空自性空無性自性空  
亦教他安住自安住真如法界法性不虛妄  
性不變異性平等性離生性法定法住實際  
虛空界不思議界亦教他安住自正修行四  
念住四正斷四神足五根五力七等覺支八  
聖道支亦教他修行自正安住苦集滅道聖

諦亦教他安住自正修行四靜慮四無量四  
無色定亦教他修行自正修行八解脫八勝  
處九次第定十徧處亦教他修行自正修行  
空無相無願解脫門亦教他修行自正修行  
陀羅尼門三摩地門亦教他修行自正修行  
諸菩薩地亦教他修行自正修行五眼六神  
通亦教他修行自正修行佛十力四無所畏  
四無礙解大慈大悲大喜大捨十八佛不共  
法亦教他修行自正修行無忘失法恒住捨  
性亦教他修行自正修行一切智道相智一  
切相智亦教他修行是故由此修行般若波  
羅蜜多諸菩薩摩訶薩一切有情皆得殊勝  
利益安樂

初分現舌相品第六

爾時世尊現廣長舌相徧覆三千大千世界

復從舌相出無量無數種種色光普照十方  
殑伽沙等諸佛世界是時東方殑伽沙等諸  
佛土中各有無量無數菩薩摩訶薩觀斯光  
已各詣其佛頂禮恭敬白言世尊是誰神力  
復以何緣而有此瑞時彼諸佛各告菩薩摩  
訶薩言善男子於此西方有佛世界名曰堪  
忍佛號釋迦牟尼如來應正等覺明行圓滿  
善逝世間解無上丈夫調御士天人師佛薄  
伽梵今為菩薩摩訶薩眾說大般若波羅蜜  
多現廣長舌相徧覆三千大千世界復從舌  
相出無量無數種種色光普照十方殑伽沙  
等諸佛世界今所見光即是彼佛舌相所現  
時諸菩薩摩訶薩聞是事已歡喜踊躍各白  
佛言我等欲往堪忍世界觀禮供養釋迦牟  
尼佛及諸菩薩摩訶薩眾并聽般若波羅蜜

多唯願世尊哀愍聽許時彼諸佛各各告言  
今正是時隨汝意往一一佛土無量無數菩  
薩摩訶薩眾各禮佛足右繞七匝嚴持無量  
寶幢幡蓋香鬘瓔珞金銀等花奏擊種種上  
妙妓樂經須臾間至此佛所供養恭敬尊重  
讚歎頂禮佛足却住一面爾時南方殑伽沙  
等諸佛土中各有無量無數菩薩摩訶薩觀  
斯光已各詣其佛頂禮恭敬白言世尊是誰  
神力復以何緣而有此瑞時彼諸佛各告菩  
薩摩訶薩言善男子於此北方有佛世界名  
曰堪忍佛號釋迦牟尼如來應正等覺明行  
圓滿善逝世間解無上丈夫調御士天人師  
佛薄伽梵今為菩薩摩訶薩眾說大般若波  
羅蜜多現廣長舌相徧覆三千大千世界復  
從舌相出無量無數種種色光普照十方殑

加沙等諸佛世界今所見光即是彼佛舌相  
所現時諸菩薩摩訶薩聞是事已歡喜踊躍  
各白佛言我等欲往堪忍世界觀禮供養釋  
迦牟尼佛及諸菩薩摩訶薩衆并聽般若波  
羅蜜多唯願世尊哀愍聽許時彼諸佛各各  
告言今正是時隨汝意往一一佛土無量無  
數菩薩摩訶薩衆各禮佛足右繞七匝嚴持  
無量寶幢幡蓋香鬘瓔珞金銀等花奏擊種  
種上妙伎樂經須臾間至此佛所供養恭敬  
尊重讚歎頂禮佛足却住一面爾時西方殑  
伽沙等諸佛土中各有無量無數菩薩摩訶  
薩觀斯光已各詣其佛頂禮恭敬白言世尊  
是誰神力復以何緣而有此瑞時彼諸佛各  
告菩薩摩訶薩言善男子於此東方有佛世  
界名曰堪忍佛號釋迦牟尼如來應正等覺

明行圓滿善逝世間解無上丈夫調御士天  
人師佛薄伽梵今為菩薩摩訶薩衆說大般  
若波羅蜜多現廣長舌相徧覆三千大千世  
界復從舌相出無量無數種種色光普照十  
方殑伽沙等諸佛世界今所見光即是彼佛  
舌相所現時諸菩薩摩訶薩聞是事已歡喜  
踊躍各白佛言我等欲往堪忍世界觀禮供  
養釋迦牟尼佛及諸菩薩摩訶薩衆并聽般  
若波羅蜜多唯願世尊哀愍聽許時彼諸佛  
各各告言今正是時隨汝意往一一佛土無  
量無數菩薩摩訶薩衆各禮佛足右繞七匝  
嚴持無量寶幢幡蓋香鬘瓔珞金銀等花奏  
擊種種上妙伎樂經須臾間至此佛所供養  
恭敬尊重讚歎頂禮佛足却住一面爾時北  
方殑伽沙等諸佛土中各有無量無數菩薩

摩訶薩觀斯光已各詣其佛頂禮恭敬白言  
世尊是誰神力復以何緣而有此瑞時彼諸  
佛各告菩薩摩訶薩言善男子於此南方有  
佛世界名曰堪忍佛號釋迦牟尼如來應正  
等覺明行圓滿善逝世間解無上丈夫調御  
士天人師佛薄伽梵今為菩薩摩訶薩眾說  
大般若波羅蜜多現廣長舌相徧覆三千大  
千世界復從舌相出無量無數種種色光普  
照十方殑伽沙等諸佛世界今所見光即是  
彼佛舌相所現時諸菩薩摩訶薩聞是事已  
歡喜踊躍各白佛言我等欲往堪忍世界觀  
禮供養釋迦牟尼佛及諸菩薩摩訶薩眾并  
聽般若波羅蜜多唯願世尊哀愍聽許時彼  
諸佛各各告言今正是時隨汝意往一一佛  
土無量無數菩薩摩訶薩眾各禮佛足右繞

七巾嚴持無量寶幢幡蓋香鬘瓔珞金銀等  
花奏擊種種上妙妓樂經須臾間至此佛所  
供養恭敬尊重讚歎頂禮佛足却住一面爾  
時東北方殑伽沙等諸佛土中各有無量無  
數菩薩摩訶薩觀斯光已各詣其佛頂禮恭  
敬白言世尊是誰神力復以何緣而有此瑞  
時彼諸佛各告菩薩摩訶薩言善男子於此  
西南方有佛世界名曰堪忍佛號釋迦牟尼  
如來應正等覺明行圓滿善逝世間解無上  
丈夫調御士天人師佛薄伽梵今為菩薩摩  
訶薩眾說大般若波羅蜜多現廣長舌相徧  
覆三千大千世界復從舌相出無量無數種  
種色光普照十方殑伽沙等諸佛世界今所  
見光即是彼佛舌相所現時諸菩薩摩訶薩  
聞是事已歡喜踊躍各白佛言我等欲往堪

忍世界觀禮供養釋迦牟尼佛及諸菩薩摩訶薩衆并聽般若波羅蜜多唯願世尊哀愍聽許時彼諸佛各各告言今正是時隨汝意往一一佛土無量無數菩薩摩訶薩衆各禮佛足右繞七匝嚴持無量寶幢幡蓋香鬘瓔珞金銀等花奏擊種種上妙妓樂經須臾間至此佛所供養恭敬尊重讚歎頂禮佛足却住一面爾時東南方旃伽沙等諸佛土中各有無量無數菩薩摩訶薩觀斯光已各詣其佛頂禮恭敬白言世尊是誰神力復以何緣而有此瑞時彼諸佛各各告菩薩摩訶薩言善男子於此西北方有佛世界名曰堪忍佛號釋迦牟尼如來應正等覺明行圓滿善逝世間解無上丈夫調御士天人師佛薄伽梵今爲菩薩摩訶薩衆說大般若波羅蜜多現廣

天十

十四

長舌相徧覆三千大千世界復從舌相出無量無數種種色光普照十方旃伽沙等諸佛世界今所見光即是彼佛舌相所現時諸菩薩摩訶薩聞是事已歡喜踊躍各白佛言我等欲往堪忍世界觀禮供養釋迦牟尼佛及諸菩薩摩訶薩衆并聽般若波羅蜜多唯願世尊哀愍聽許時彼諸佛各各告言今正是時隨汝意往一一佛土無量無數菩薩摩訶薩衆各禮佛足右繞七匝嚴持無量寶幢幡蓋香鬘瓔珞金銀等花奏擊種種上妙妓樂經須臾間至此佛所供養恭敬尊重讚歎頂禮佛足却住一面爾時西南方旃伽沙等諸佛土中各有無量無數菩薩摩訶薩觀斯光已各詣其佛頂禮恭敬白言世尊是誰神力復以何緣而有此瑞時彼諸佛各各告菩薩摩

天十

十五之一

訶薩言善男子於此東北方有佛世界名曰  
堪忍佛號釋迦牟尼如來應正等覺明行圓  
滿善逝世間解無上丈夫調御士天人師佛  
薄伽梵今為菩薩摩訶薩眾說大般若波羅  
蜜多現廣長舌相徧覆三千大千世界復從

天十

十五之二

舌相出無量無數種種色光普照十方殞伽  
沙等諸佛世界今所見光即是彼佛古相所  
現時諸菩薩摩訶薩聞是事已歡喜踊躍各  
白佛言我等欲往堪忍世界觀禮供養釋迦  
牟尼佛及諸菩薩摩訶薩眾并聽般若波羅  
蜜多唯願世尊哀愍聽許時彼諸佛各各告  
言今正是時隨汝意往一一佛土無量無數  
菩薩摩訶薩眾各禮佛足右繞七匝嚴持無  
量寶幢幡蓋香鬘瓔珞金銀等花奏擊種種  
上妙伎樂經須臾間至此佛所供養恭敬尊

重讚歎頂禮佛足却住一面爾時西北方殞  
伽沙等諸佛土中各有無量無數菩薩摩訶  
薩觀斯光已各詣其佛頂禮恭敬白言世尊  
是誰神力復以何緣而有此瑞時彼諸佛各  
告菩薩摩訶薩言善男子於此東南方有佛

世界名曰堪忍佛號釋迦牟尼如來應正等  
覺明行圓滿善逝世間解無上丈夫調御士  
天人師佛薄伽梵今為菩薩摩訶薩眾說大  
般若波羅蜜多現廣長舌相徧覆三千大千  
世界復從舌相出無量無數種種色光普照

天十

十六

十方殞伽沙等諸佛世界今所見光即是彼  
佛古相所現時諸菩薩摩訶薩聞是事已歡  
喜踊躍各白佛言我等欲往堪忍世界觀禮  
供養釋迦牟尼佛及諸菩薩摩訶薩眾并聽  
般若波羅蜜多唯願世尊哀愍聽許時彼諸

佛各各告言今正是時隨汝意往一一佛土  
無量無數菩薩摩訶薩衆各禮佛足右繞七  
帀嚴持無量寶幢幡蓋香鬘瓔珞金銀等花  
奏擊種種上妙妓樂經須臾間至此佛所供  
養恭敬尊重讚歎頂禮佛足却住一面爾時  
下方殞伽沙等諸佛土中各有無量無數菩  
薩摩訶薩觀斯光已各詣其佛頂禮恭敬白  
言世尊是誰神力復以何緣而有此瑞時彼  
諸佛各告菩薩摩訶薩言善男子於此上方  
有佛世界名曰堪忍佛號釋迦牟尼如來應  
正等覺明行圓滿善逝世間解無上丈夫調  
御士天人師佛薄伽梵今為菩薩摩訶薩衆  
說大般若波羅蜜多現廣長舌相徧覆三千  
大千世界復從舌相出無量無數種種色光  
普照十方殞伽沙等諸佛世界今所見光即

是彼佛舌相所現時諸菩薩摩訶薩聞是事  
已歡喜踊躍各白佛言我等欲往堪忍世界  
觀禮供養釋迦牟尼佛及諸菩薩摩訶薩衆  
并聽般若波羅蜜多唯願世尊哀愍聽許時  
彼諸佛各各告言今正是時隨汝意往一一  
佛土無量無數菩薩摩訶薩衆各禮佛足右  
繞七帀嚴持無量寶幢幡蓋香鬘瓔珞金銀  
等花奏擊種種上妙妓樂經須臾間至此佛  
所供養恭敬尊重讚歎頂禮佛足却住一面  
爾時上方殞伽沙等諸佛土中各有無量無  
數菩薩摩訶薩觀斯光已各詣其佛頂禮恭  
敬白言世尊是誰神力復以何緣而有此瑞  
時彼諸佛各告菩薩摩訶薩言善男子於此  
下方有佛世界名曰堪忍佛號釋迦牟尼如  
來應正等覺明行圓滿善逝世間解無上文

夫調御士天人師佛薄伽梵今為菩薩摩訶薩衆說大般若波羅蜜多現廣長舌相徧覆三千大千世界復從舌相出無量無數種種色光普照十方殄伽沙等諸佛世界今所見光即是彼佛舌相所現時諸菩薩摩訶薩聞是事已歡喜踊躍各白佛言我等欲往堪忍世界觀禮供養釋迦牟尼佛及諸菩薩摩訶薩衆并聽般若波羅蜜多唯願世尊哀愍聽許時彼諸佛各各告言今正是時隨汝意往一一佛土無量無數菩薩摩訶薩衆各禮佛足右繞七匝嚴持無量寶幢幡蓋香鬘瓔珞金銀等花奏擊種種上妙伎樂經須臾間至此佛所供養恭敬尊重讚歎頂禮佛足却住一面爾時四大王衆天乃至他化自在天梵衆天乃至色究竟天各持無量種種香鬘所

謂塗香末香燒香樹香葉香諸雜和香悅意花鬘生類花鬘龍錢花鬘并無量種衆雜花鬘及持無量種種天花喞鉢羅花鉢特摩花俱其陀花奔荼利花微妙音花大微妙音花及餘無量種種天花來至佛所供養恭敬尊重讚歎頂禮佛足却住一面爾時十方諸來菩薩摩訶薩衆及餘無量欲色界天所獻種種寶幢幡蓋珍妙瓔珞種種香花以佛神力上涌空中合成臺蓋徧覆三千大千佛土臺頂四角各有寶幢臺蓋寶幢皆垂瓔珞勝幡妙綵珍異花鬘種種莊嚴甚可愛樂時此會中有百千俱胝那庾多有情皆從座起合掌恭敬而白佛言世尊我等未來願得作佛相好威德如今世尊國土莊嚴聲聞菩薩天人衆會所轉法輪並如今佛爾時世尊知其心

願已於諸法悟無生忍了達一切不生不滅  
無作無為即便微笑面門復出種種色光尊  
者阿難即從座起合掌恭敬白言世尊何因  
何緣現此微笑佛告阿難是從座起百千俱  
胝那更多衆已於諸法悟無生忍於當來世  
經六十八俱胝大劫修菩薩行花積劫中當  
得作佛皆同一號謂覺分花如來應正等覺  
明行圓滿善逝世間解無上丈夫調御士天  
人師佛薄伽梵

大般若波羅蜜多經卷第十

音釋

香鬘

髮莫班切

喝鉢羅

梵語也

亦云優鉢羅

此

此

鉢特摩

梵語也

俱其陀

梵語也

此

奔茶

此

利

梵語也

亦云分陀

利

此

白蓮花

此